

## Guaraní - Omonguera Ñandejára Ñe'ẽ - Healing Scriptures

Éxodo 15:26 He'i chupe kuéra: Tupã pende Jára ñe'ẽ pehendúramo añetehápe ha pejapo hekópe guáva hesa renondépe, pehendúvo hembiapoukapy ha pejapóvo hembipota, nambou mo'ãi pende ári mba'eveichagua ñenupã pochy amondo vaekue Egipto guére. Che niko hína pende Jára pene pohanóva.

Deuteronomio 7:15 Ñandejára ndoheja mo'ãi oike pende apytépe mba'asy, térã umi ñenupã pochy pehecha vaekue omondo Hague Egipto ñemoñarépe, ha umi pende rehe ija'e'ỹvape katu ombohasa asýta.

Salmos 107:20 Ombou chupe kuéra iñe'ẽ ha okuera, ityvýgui oguenohẽ chupe kuéra.

Salmos 146:8 Ñandejára oheja umi ohecha'ỹvape ohecha jey, Ñandejára omopu'ã umi ikangývape, Ñandejára ohayhu umi heko jojávape,

Isaías 35:5 Upérõ umi ohecha'ỹva ohecháta, ha umi ohendu'ỹva ohendúta.

Isaías 53:5 Ha'e ojekutu ñane tĩ atãnguére, ñane rembiapo vaikuére oñemyangu'ipa. Ho'a hi'ári pe ñenupã oguerúva ñandéve py'a guapy, ha ijekutukue rupi jakuera ñande.

Isaías 58:8 Upérõ che pohesapéta ko'ẽ júicha ha pya'e eterei pekueráta pende aígui, pende reko joja ohóta pene renonderã ha Ñandejára reko mimbipa pende rapykuéri.

Jeremías 30:17 Romonguera jeýta, aipohanóta nde ai kuéra, nde rehe ija'e'ỹva he'i ramo jepe 'Sión opytáma tesaráipe, avave ndojepy'apýi hese.' Che, opa mba'e Jára, upéicha ha'e."

Jeremías 33:6 Opáichavo, amonguera jeýta chupe kuéra, amohesãita ha amoiñgóta chupe kuéra py'a guapýpe ha kyhyje'ỹre.

Malaquías (4:2) 3:20 Peẽ che momba'évape katu che reko joja omimbíta kuarahýicha oguerúva tesãi imba'e rendýpe, ha peẽ vy'águi pepopóta vaka ra'yicha osẽva ikorágui.

Mateo 4:23,24 Jesús oiko yvy Galiléa rupi, ha oporombo'e umi judío kuéra tupao rupi. Ha'e omoherakuã marandu porã oñe'ẽva Tupã sãmbyhýre. Hetápe avei amonguera opaichagua mba'asy ha mba'e vaígui. 24 Jesús herakuã opa rupi yvy Siria tuichakue. Ha ojequeru chupe opaichagua hasýva ha hete rasýva, umi mba'epochy poguýpe oikóva, itarováva ha umi ijapapágui uguata'ỹva. Ha Jesús amonguera chupe kuéra.

Mateo 8:16,17 Ha uguahẽvo pyhare, ojereraha Jesús rendápe heta oĩva mba'e pochy poguýpe. Iñe'ẽmente Jesús omosẽ umi mba'epochy ha amonguera avei opa hasývape. 17 Kóicha ojehu, oiko haguã hekoitépe maranduhára Isaías kuatiañe'ẽ he'íva: Ha'e oipe'apa ñande hegui ñane mba'asy ha ogueraha opa mba'e hasýva ñandéve.

Mateo 9:35 Upéi Jesús ohasa oikóvo peteĩ távagui ambuépe. Ha mamó oĩháme itupao kuéra, upépe ha'e oporombo'e. Omoherakuã avei marandu porã Tupã sãmbyhyha ára rehegua, ha amonguera opaichagua hasývape.

Mateo 10:1,8 Jesús ohenói umi 12 hemimbo'épe ha ome'ẽ chupe kuéra pokatu

omosẽ haguã mba'epochy, ha omonguera haguã opaichagua mba'asy. (Marcos 3:14,15) 8 Pemonguera hasýva, pemoingove jey omanóvape, pemonguera umi hete aipávape ha pemosẽ mba'epochy opavavégui. Peẽme niko oñeme'ẽ rei ko pokatu, ani pejerure hese mba'eve.

Mateo 11:5 Pemombe'u chupe ohecha'ýva ohecha jeyha, ijypíva oguata porãha, ipire aipáva okueraha, ohendu'ýva ohendu jeyha, omanóva oikove jeyha ha imboriahúvape oñehendukaha marandu porã.

Mateo 12:15 Jesús oikuaávo ojukaseha chupe hikuái oho upégui, ha heta umi ohóva hapykuéri. Ha omonguerapa umi hasývape,

Mateo 15:30 Ha heta umi oguahẽva hendápe, ogueraháva hendive kuéra umi ikarẽva, ohecha'ýva, iñe'ẽngúva, ijypíva ha opaichagua hasývape. Umívape omoĩ joa hikuái Jesús renondépe, ha ha'e omonguera chupe kuéra.

Mateo 17:20 Jesús he'i chupe kuéra: Ndapejeroviapáigui Tupãre. Añete ha'e peẽme, pende jerovia michĩ ramo jepe oimeraẽ mba'e ra'ýi michĩve vaicha, pejéta peteĩ yvytýpe: Ejei ko'águi. Eva amo, ha pe yvyty ováta. Oimeraẽ mba'e ikatúne pejapo.

Marcos 1:34 Jesús omonguera heta hasývape opaichagua mba'asýgui ha omosẽ heta mba'epochy. Ha ndohejái chupe kuéra oñe'ẽ, ha'e kuéra oikuaágui chupe.

Marcos 3:10 Omonguera haguére hetápe, umi hasýva ojeitypa hi'ári opoko haguã hese.

Marcos 6:5,6,13 Ndaikatúi ojapo upépe mba'eve hechapyrãva, mbovymi hasývarente omoĩ ipo ha omonguera. 6 Ha ohecha ramó ndojeroviaiha hese hikuái. Jesús ohóva umi táva aguĩha rupi oporombo'évo. 13 Omosẽ avei heta mba'epochy, ha omonguera heta hasývape omonávo hese kuéra ñandyry.

Marcos 6:55,56 Oho hikuái opa rupi ha ojejeru Jesús rendápe umi hasýva hupa reheve. 56 Ha mamó ha'e oikehápe, taha'e táva, taha'e óga térã ñu rupi, omoĩ hikuái umi hasývape tapépe, ha ojerure chupe hikuái opokomínte haguã ijao rembe'yrénte jepe. Ha opokóva guive hese, okuera.

Marcos 8:23-25 Jesús ipojái pe ohecha'ýva póre ha oguenohẽ chupe táva rokápe, hendýpe omyakỹ hesa, omoĩ ipo hese ha oporandu chupe ikatúpa ohecha. 24 Pe ohecha'ýva oñepyrũ ohecha ha he'i chupe: Ahecha yvypóra kuéra, ojogua yvyra hakã ha hoguéva oguatávape. 25 Jesús omoĩ jey ipo hesáre, ha pe kuimba'e oma'ẽ porã ha okuera opytávo. Opa mba'e ohecha porã.

Marcos 9:29 Ha Jesús he'i chupe kuéra: Koichagua mba'epochy, ñembo'e rupi ha karu'ýme jehasa rupi mante ikatu oñemosẽ.

Marcos 16:17,18 Ha ko'ã techaukarã omoirũta umi ogueroviávape: che rérape omosẽta mba'epochy, oñe'ẽta ñe'ẽ pyahu, 18 ipópe oguerekóta mbói, ha ho'u ramo pohã vai ndojapo mo'ãi mba'eve hese kuéra, omoĩta ipo hasývare ha oporomongueráta.

Lucas 4:18 Ñandejára Espíritu oĩ che ári, chéve niko che poravo araha haguã marandu porã opa imboriahúvape, che mbou aipe'ávo jejopýgui umi ijyvyrakuávape ha ame'ẽvo techa ohecha'ývape; apoívo opa ojejopývagui,

Lucas 4:40 Ka'aruete, oikévo kuarahy, umi oguerekóva opaichagua hasýva ogueraha hikuái Jesúspe ohecha haguã. Ha ha'e omoĩ ipo peteĩ-teĩre ha

omonguera.

Lucas 5:15 Opáichavo, Jesús herakuã guasuve ko'ẽ ko'ẽre ha heta oñembyatýva ohendu haguã chupe ha omonguera haguã chupe kuéra imba'asýgui.

Lucas 5:17-25 Peteĩ árape, Jesús oporombo'e jave hína, oguapy ra'e hína upe rupi Fariséova, ha Moisés rembiapoukapy mbo'eháva ou vaekue Galiléa, Judá ha Jerusaléngui. Ha Ñandejára pokatu ojechauka Jesús rupi omonguerávo heta hasývape. 18 Upérõ oguahẽ kuimba'e kuéra ogueraháva hupápe peteĩ ijapávape. Oguerahase hikuái pe kotypýpe omoĩ haguã Jesús renondépe. 19 Ha ndojuhúi hikuái moõ rupípa omoingéta, hetágui umi upépe oĩva. Aipórõ ojupi hikuái pe óga ári, ombokua pe óga ape ha omboguejy hikuái pe hasývape, hupápe, Jesús renondépe. 20 Jesús ohechávo mba'eichaitépa ha'e kuéra ojerovia hese, he'i pe hasývape: Che irũ, ojeheja reíma ndéve ne angaipa. 21 Ha upévo, umi Moisés rembiapoukapy mbo'eha ha umi fariséo oñepyrũ he'i: Máva piko kóva péicha ojahéi haguã Tupãre, ku hendaguépe oĩrõ guáicha? Tupã añónte niko ikatu oheja rei ñandéve ñane angaipa. 22 Ha Jesús ohecha kuaa mba'épa he'i hína hikuái ipy'apýpe, ha oporandu chupe kuéra: Mba'érepa pejepy'a mongeta péicha? 23 Mba'épa ndahasyive ja'e: Ojeheja reíma ndéve ne angaipa, téräpa: Epu'ã ha eguata? 24 Néi, ahechaukáta peẽme che, yypóraicha aju vaekue, ikatuha ko yvy ári oipysyrõ angaipa. Ha upévo he'i pe ijapávape: Ndéve ha'e: Epu'ã, ehupi nde rupa ha tereho nde rógape. 25 Upepete pe ijapáva opu'ã opavave renondépe, ohupi hupa oñeno hague, ha oguerohory Tupãme ohóvo hógape.

Lucas 6:17-19 Jesús oguejy upe yvytýgui hemimbo'e kuéra ndive, ha opyta peteĩ ñúme. Oñembyaty ra'e upépe umi hapykuéri oikóva ha heta Judeagua, Jerusalén pegua ha umi Tiro rembe'ýpe oikóva, ha Sidónpe. 18 Oguahẽ ra'e hikuái ohendúvo Jesúspe, ha ha'e omonguera haguã chupe kuéra imba'asýgui. Umi ipype oguerekóva mba'epochy okuerapa avei. 19 Ha upéicha, opavave opokosénte jepe Jesús rehe, oporomonguerágui pe pokatu osẽva chugui.

Lucas 7:21,22 Upe javete Jesús omonguera oikóvo hetápe imba'asýgui ha iñangata kuéragui, ha mba'epochýgui ave, ha omonguera ohecha heta ohechave'ỹ vaekuépe. 22 Upéi he'i chupe kuéra: Tapeho ha peje Juánpe opa mba'e pehecháva ha pehendúva. Pemombe'u chupe ohecha'ýva ohecha jeyha, ijypíva oguata porãha, ipire aipáva okueraha, ohendu'ýva ohendu jeyha, omanóva oikove jeyha ha imboriahúvape oñehendukaha marandu porã.

Lucas 8:2 ha upéicha avei heta kuña ha'e oipe'a vaekue mba'epochy poguýgui ha mba'asýgui omonguera vaekue. Ijapytépe kuéra oĩ María, hérava avei Magdalena, chugui Jesús oguenohẽ mba'epochy.

Lucas 9:2,11 Omondo chupe kuéra oporomomarandu haguã Tupã sãmbyhýre, ha omonguera haguã hasývape. 11 Ha umi tavagua oikuaávo, ohopa hapykuéri. Ha Jesús oheja chupe kuéra oguahẽ hendápe. Oñe'ẽ chupe kuéra Tupã sãmbyhýre ha omonguera hasývape.

Lucas 13:12 Ohechávo upe kuña, Jesús ohenói ha he'i chupe: Nde kuña, rekueráma ne mba'asýgui.

Lucas 13:32 Ha'e he'i chupe kuéra: Tapeho ha peje pe aguarápe: 'Ma'ẽ, ko ára ha

ko'ērō amosē aikóvo mba'epochy kuérape ha amonguera hasývape, ha ko'ē ambuérō ae ajapopáta.

Juan 5:8,14 Jesús he'i chupe: Epu'ã. Ehupi nde rupa ha tereho. 14 Upéi, Jesús ojuhu pe kuimba'épe Tupaópe, ha he'i chupe: Rekueráma niko ko'ágã. Eñeha'ã anive haguã ne rembiapo vai, ani ágã upe haguére ojehe ndéve mba'e ivaivéva.

Juan 14:12 Añetehápe ha'e peẽme: Pe che rehe ojeroviáva ojapóne avei umi mba'e che ajapóva. Ha tuichave mba'e katu ojapóne, che ahátogui che Ru rendápe.

Hechos 3:6 Pedro katu he'i chupe: Óro ha pláta ndarekói, pe arekóva katu ame'ëta ndéve: Jesucristo Nazaretgua rérape epu'ã ha eguata.

Hechos 5:15,16 Ha oguenohẽ jepi hikuái hasývape umi okaha rupi hupa ha henimbe kuérape ikatu haguã ohasávo Pedro, ikuarahy'ã guénte jepe ho'a hi'ári kuéra. 16 Ha umi táva ijerekuévo oĩvagui avei ogueru hikuái hasýva ha oguerékóva mba'e pochy, ha opavavépe oñemonguera.

Hechos 10:38 Peikuaa Tupã omyenyhẽ hague pokatu ha Espíritu Sántogui Jesús Nazaret guápe, ha Jesús ohasa hague ojapóvo iporãva ha omonguerávo opa ohasa asývape mba'e pochy poguýpe. Upéva ikatu vaekue ojapo Tupã oĩgui hendive,

Hechos 19:11,12 Ha Tupã ojapo hechapyrã tuicháva Pablo rupi. 12 Umi pañuélo ha ao ojava hetére jepe ojeraraha hasývape, ha ko'áva okuera imba'asýgui, ha umi mba'e pochy osẽ chugui kuéra.

Romanos 8:26 Upéicha avei, pe Espíritu ñane pytyvõ ñane kangy ramo. Nañañembo'e kuaái niko ñañembo'e haguãicha, ha Espíritu voi oñembo'e ñande rehe Tupãme, py'ambu ikatu'ýva ja'épe.

1 Corintios 12:9 Oime ohupytýva ijerovia espíritu Santo rupi, ha oime oñeme'ëha mba'e kuaa omonguera haguã hasýva.

1 Corintios 12:28 Tupã oipota vaekue heroviaha apytépe oĩ, tenondete, apóstol kuéra. Mokõiháme, maranduhára. Mbohapyhápe, mbo'ehára. Upéi yvypóra ojapóva mba'e hechapyrãva, ha ambue oporomongueráva, térã oporopytyvõva, térã oporosãmbyhýva, térã oñe'ëva ñe'ë ojekuaa'ývape.

Filipenses 2:27 Hasýko añete kuri ha haimete omano, Tupã katu oiporiahurereko chupe, ha ndaha'úi chupénte, chéve avei, ani haguã ajepy'apyve ko ajepy'apy háguima,

Santiago 5:14 Oĩrõ hasýva tohenói Jesucristo iglésia myakãhárabe oñembo'e haguã hese, ha omona haguã hese ñandyry Ñandejára Jesucristo rérape,

1 Pedro 2:24 Cristo, ha'ete voi ogueraha hetepýpe kurusúre ñane angaipa, ñande ñamano haguã angaipápe guarã ha jaikove teko jojápe. Cristo ojekutupa vaekue, peẽ pekuera haguã.

3 Juan 1:2 Che pehẽngue ahayhúva, Tupãme añembo'e nde rehe oho porãite haguã ndéve opaite mba'épe ha ne resãi haguã, oho porãháicha ndéve ne py'apýpe.

Pastor T. John Franklin

Church of Salvation, Healing, and Deliverance - COS-HAD.org